



832150

花
心
卷
詞



香雪廬詞敘

夫激女嬃之砒霜淒鄂渚鼓湘靈之瑟木落洞庭
仰浮雲而永歎折芳馨其已莫娉節自好臨風浩
歌若蘋香夫人者其九疑之若英三閭之苗裔乎
幼好奇服崇蘭是紉中更離憂幽篁獨處山阿窈
窕睇女蘿而驚心激浦儻個登白蘋以騁望紛其
內美芳在余情警申旦之鷓鴣感先春之鶉鴂佩
之寶璐緩節安歌颺彼玉蚪揚靈敏響詞之作也
僕有槩焉夫其蘭膏明燭珍惜餘暉玉瑱采衣屏
除綺飾鬼獨守而無澤哀此生之多艱激楚發荷
之章愁苦采菱之曲湛湛江水渺矣靈修冉冉春

張序

華玩此芳草長吟自適既老不衰可謂激微液於
飛泉拾美瑀於縣圃矣遭時不靖忝鄉離家蝮蕞
藜兮噬人鳳皇皇其失所白蜺嬰葑凍雨冥寒葺
芷焉居采薇何佑玉玦捐而莫佩黃鐘毀而不鳴
增城十重頓掩桂旗之色疏麻一握尙發瑤華之
馨從孫黃君質文搜蘭畹之賸枝揚荃燒之餘馥
靈芬未沫奇璜益珍緝彼蕙纒楔同梓瑟傳芭代
舞雲車莫召夫巫陽擊節抗聲郢曲新翻夫白雪
錢唐張景祁撰

序

嘗讀詞至易安居士落日鎔金暮雲合璧則夢窗之穠麗也染柳烟輕吹梅笛怨則花間之芳豔也美哉漱玉一編其詞家大宗乎 國朝詞人輩出余獨心折長洲李晨蘭生香館作組織性靈抒寫懷抱讀者比之蜀烏啼花湘蘭泣露余序中所云綠鬟秦柳紅粉姜張非溢美也錢塘吳蘋香女士金粉仙心烟霞逸品彩鸞寫罷每多庸感之吟靈鳳歌中恆有緣情之作嘗以所著花簾書屋詞乞序於余疎影暗香不足比其清也曉風殘月不足方其怨也滴粉搓酥不足寫其纏絲也衰草微雲

陳序

不足宣其湮鬱也顧其豪宕尤近蘇辛寶釵桃葉寫風雨之新聲鐵板銅絃發海天之高唱不圖弱質足步芳徽兼之妙解宮商精通音律青綾障外花環顧曲之堂紫脉屏前珠記點弓之屐嘗自寫飲酒讀騷小像以金元樂府題之十眉捧硯譜出霓裳雙髻吹笙舞來翠袖金尊酒暖銀燭花濃比之宋若昭男子之裝黃崇嘏狀元之齣余嘗修菊香小青雲友墓於西湖女士以南曲題之余湘中艤櫂漢上題襟偶遇舊游爲翻新譜湘人善感爭爲桃葉之歌楚女多情競學竹枝之唱幾於家家擘阮戶解調箏余詩所云湘月初三花十八家家

兒女唱蘭因紀實也嗟乎佳俠含光紅綃結佩靈
脩善怨綠綺停琴況以蘭薰玉潔之姿不無蕙歎
芝焚之感宜其容華淒折情思銷沈林端月上吟
豆蔻以緘辭陌上花開詠薜蘿而染翰一襟澹墨
百幅烏絲釧動花飛過雲廊而宛轉笙寒水皺步
月榭而踟躕庶幾把臂生香比肩漱玉者歟然而
聰明才也悲歡境也仙家眷屬智果先栽佛海因
緣塵根許讎與寄埋愁之地何如證離恨之天與
開薄命之花何似種長生之藥誦四句金剛之偈
悟三生玉女之禪餐兩峯丹竈之雲飲三澗玉爐
之雪則花影塵空簾波水逝何妨與三藏珠林七

陳序

二

籤雲笈同觀耶僕玉局脩書金釵問字謬見推於
馬齒方感蓬飄嗟永睠於蛾眉最憐蕉萃春風擲
管聊爲嗶引之聲明月吹簫珍此絃歌之集大江
東去我正憑黃鶴樓窗小海西流誰更拍紫鸞笙

譜名詞

道光己丑花朝頤道居士陳文述序於漢皋青鸞

閣

序

吾杭會城之東遶隰迤行水木明瑟一種幽闐遼
曩之狀於詞爲宜往時厲樊榭徵君吳穀人祭酒
先後居是地詞亦同出一源自祭酒之亡也或慮
壇坫無人詞學中絕不謂繼起者乃在閩閩之間
吳蘋香女士亦居城東幼而好學長則肆力於詞
居恆庀家事外手執一卷興至輒吟緝商綴羽不
失分刊嘗寫飲酒讀騷圖自制樂府名曰喬影吳
中好事者被之管絃一時傳唱遂徧大江南北幾
如有井水處必歌柳七詞矣猶記丙戌之春家侍
御伯主講吳中命余隨侍小住滄浪亭畔坐客如

魏序

一

潘榕阜農部吳三松侍御齊梅麓郎中陳雲伯明
府皆數稱女士才不置時女士亦以事至吳因得
盡讀所爲花簾詞靈襟獨抱清光大來不名一家
奄有眾妙雖方心沓舌如余者亦知吟諷不輟始
歎其用力之專且久也古名媛之工詞者莫如李
易安漱玉一編獨有千古然易安身世低離豐於
才而嗇於遇未若女士生承平之代擅清麗之才
無牽蘿補屋之悴有坐花邀月之樂以古方今詎
可同日雖其中不無歌離弔夢遣病言愁之作仍
以和平溫厚出之蓋所遇然也卽茲近詣已足名
家鏗而不舍當更有進於是者正不能測其所至

矣余嘗因趙秋舫進士家親串往來得見女士神情散朗有林下風如濟尼之評王夫人爲想古來頌椒賦茗之閨賢亦不是過進士亦工詞自謂不如女士之專且久然則論詞於城東進士而外繼厲吳而起者非女士誰屬哉道光九年太歲在己丑中冬之朔同里魏謙升譔

魏序

二

無歲而無落花也無處而無芳草也無日而無夕陽明月也然而古今之能言落花芳草者幾人古今之能言夕陽明月者幾人則甚矣寫物之難寫愁之難也花簾主人工愁者也花簾主人之詞善寫愁者也不處愁境不能言愁必處愁境何暇言愁嫋嫋然荒荒然幽然悄然而愁卽無端而詞其詞落花也芳草也夕陽明月也皆不必愁者也不必愁而愁斯視天下無非可愁之物無非可愁之境矣此花簾主人之所以能愁而花簾主人之所以能詞也爰刊其詞以示世之愛言愁者若夫詞之體律詞之音韻向者嘗評之矣夫又何言

趙序

道光庚寅花朝秋舫趙慶煒書於蘅香館

花簾詞

仁和吳藻

浪淘沙

蓮漏正迢迢涼館燈挑畫屏秋冷一枝簫真箇曲
終人不見月轉花梢何處暮鐘敲黯黯魂銷斷
腸詩句可憐宵莫向枕根尋舊夢夢也無聊

清平樂

一庭苦雨送了秋歸去只有詩情無著處散入碧
雲紅樹黃昏月冷烟愁湘簾不下銀鈎今夜夢
隨風度忍寒飛上瓊樓

滿江紅

花簾詞

門掩斜陽滿院裏零花瘦草疎簾卷紙窗風緊玉
鑪烟裊天末數聲征雁過林邊幾點歸鴉噪悄無
人落葉冷空堦紅誰掃題不盡傷心稿消不盡
閒煩惱算眼前愁境又添詩料翠影自憐雙袖薄
病魂已約三秋老待巡簷索笑問寒梅春還早

行香子

長夜迢迢落葉蕭蕭紙窗兒不住風敲茶溫烟冷
爐暗香銷正小庭空雙扉掩一燈挑愁也難拋
夢也難招擁寒衾睡也無聊淒涼景況齊作去今
宵有漏聲沉鈴聲苦雁聲高

滿江紅

謝疊山遺琴二首琴名號鐘爲新安吳素
江明經家藏

半壁江山渾不是鶯花故業歎回首蕭條野寺淒涼
落月鄉國烽烟何處認橋亭卜卦誰人識記孤城
隻手挽銀河心如鐵纔賦罷無家別早殉此餘生
節儘年年茶坂杜鵑啼血三尺焦桐遺古調一坏
黃土埋忠穴想哀絃泉底瘦蛟蟠苔花熱

怨羽愁宮算歷劫沉埋燕代慟今古電光石火人
亡琴在南國穿雲誰挈去西臺如意空敲壞臙孤
臣尚有未灰心垂千載冬青落花無賴枯桐活
天都快試一彈再鼓只增悲慨淒烈似聞山寺泣

花簾詞

二

蕭騷不減松風籟歎伯牙辛苦舊時情知音解

調笑令

花徑花徑添箇愁人孤影夜深月冷風寒何處高樓
笛殘殘笛殘笛吹破早梅消息

金縷曲

題王蘭佩女士靜好樓遺集

一覽遺芳稿認當時青綾幃裏班才薛貌忍把無窮
思親苦寫出大家聲調更莫問瑤琴靜好縱有窗前
京兆筆料年年只合和愁婦怎舒得翠眉笑玉臺人
本工煩惱也非關蘭因絮果春風劫小自古清才妨
濃福畢竟聰明誤了豈懺向空王不

早我試問天天語我說仙娥偶謫紅塵道今悔過
太虛召

一痕沙

莫把韶華細算九十今猶未半春縱不嫌多柰愁
何只是日長無緒添上水沈幾炷窗外影移花
夕陽斜

虞美人

曉窗睡起簾初卷入指寒如翦一宵疎雨一宵風
無數海棠瘦得可憐紅分明人也因花病幾度
慵拈鏡日高猶自不梳頭只聽喃喃燕子話春愁

秋波媚

花簾詞

題汪沅蘭女史白蓮畫卷

西風涼入藕花秋占斷白蘋洲淡妝無語凌波微
步幾許閒愁夕陽過盡亭亭影嬌睡熟曾不黃
昏近也月明何處一片香浮

賀新涼

六曲屏山角有絲絲柳條絀住一痕春腳却怪天
公偏耐冷作去就輕陰漠漠正曉睡被鶯催覺病
怯餘寒禁不得檢青箱重把湖綿著梳裏罷啟湘
箔心情只似今非昨報庭前殘紅謝也又添離
索狼藉胭脂香滿地多半隔宵風惡翻悟到人生
榮落回首繁華原若夢再休提命合如花薄茵與

溷偶然錯

訴衷情

紅衾香冷隔宵和曉日澹簾波睡起記他蝶板一
一點鶯歌 晴未穩雨新過落花多問春無語遣
春不去柰此春何

祝英臺近

影

曲闌低深院鎖人晚倦梳裏恨海茫茫已覺此身
墮可堪多事青燈黃昏纔到更添上影兒一箇
最無那縱然著意憐卿卿不解憐我怎又書窗依
依伴行坐算來驅去原難避時尙易索掩卻繡幃

花簾詞

四

推臥

賣花聲

深院晚妝慵鬢髻鬆忍寒和月下簾櫳掩卻碧
紗屏小小不許燈紅 好夢忒惺忪去也匆匆池
塘春影又成空一片吟魂無著處隨住東風

風中柳

遊絲

何處遊絲吹到没人庭院忒纏綿和愁牽絆祝風
休驟倩柳條私綰算今番畱春一線 無賴鶯梭
偏又將伊織斷剩星星飄零不見怎如蛛網尙憐
香心慣把牆角落紅低睂

金縷曲

悶欲呼天說問蒼蒼生人在世忍偏磨滅從古難
消豪士氣也只書空咄咄正自檢斷腸詩閱看到
傷心翻失笑笑公然愁是吾家物都并入筆端結
英雄兒女原無別歎千秋收場一例淚皆成血
待把柔情輕放下不唱柳邊風月且整頓銅琶鐵
撥讀罷離騷還酌酒向大江東去歌殘闕聲早遏
碧雲裏

如夢令

燕子

燕子未隨春去飛到繡簾深處軟語話多時莫是

花簾詞

五

要和儂住延佇延佇含笑回他不許

沁園春

花朝

雨雨風風釀就微陰春魂暗銷鎮支離病骨茶鐺
藥裹禁持瘦影翠袖冰綃簾卷雙鉤窗開六扇燕
子偏來話寂寥妝成也記年年此日曾買輕艘
關心碧柳細桃總負卻明湖十二橋自滌裙人散
閒居有賦踏青期阻枯坐無聊知趣東皇似嫌著
色翻把繁華用白描闌干外但紅癡綠醉不作去

花朝

齊天樂

有懷萋香姊

陰陰曉院重門閉鳴鳩數聲花底簾冷如冰窗虛
似水知道今朝晴未懶懶睡起正疊雪衫輕盤雲
髮膩回首春遊一杯殘酒到婪尾 分明幽恨幾
許盡將來放在心裏眉裏六曲屏前雙鉤箔下冷
落紅腔誰記伊人去矣縱獨按宮商也應無味只
把涼簫碧闌干外倚

酷相思

寂寂重門深院鎖正睡起愁無那覺鬢影微鬆釵
半蟬清曉也慵梳裏黃昏也慵梳裏 竹簾紗櫺
誰耐臥苦病境牢擔荷怎廿載光陰如夢過當初

花簾詞

也傷心我而今也傷心我

蘇幕遮

聽萋香姊彈瑟

曲初終人未杳指下泠泠一片悲風繞酒醒西窗
殘月到二十五絃彈得天應曉 碧空寒湘水渺
千古傷心只剩遺音好江上數峯青不了木落烟
波誰把雲和抱

邁陂塘

憶趙茗香姊

看天街嫩涼如水知他今夕何夕曲終酒醒人歸
去怎遣者番岑寂愁默默但屈指連宵不鼓雲和

瑟病懷碎積歎心似回潮身同殘燭百感正交集
紅樓外猛地誰家倚笛一聲聲又悽惻故園楊
柳依然在報甚秋風消息燈半壁偏照得紗幮有
夢難尋覓窗兒漸黑早月墮迴廊鐘敲遠寺滿院
曉烟碧

喝火令

竹簟涼如洗蕉屏夢未招欲眠又起整冰綃且向
碧紗窗下悄地檢香燒 恐怕和天說詩多帶病
敲今宵依舊似前宵一樣鐙紅一樣漏迢迢一樣
酒醒時節斜月上花梢

壽樓春

花簾詞

七夕

七

纔新涼如波報佳期到了鵲早填河屈指頻移玉
漏乍拋金梭蟾影淡銀潢拖望碧空秋雲羅羅恰
紅袖同攜畫屏無睡相約拜星娥 良宵好休輕
過有天酬情債人惹詩魔儘夜憑闌徒倚把盃吟
哦幽夢短離愁多較世間塵緣蹉跎笑暮暮朝朝
神仙柰他兒女何

菩薩蠻

雨晴天氣秋如畫屏山幾曲垂簾亞花徑爲誰開
美人來未來 日斜階下立不耐西風急靠住小
闌干一雙羅袖單

陌上花

重門閉也天涯何處一枝橫笛只隔紅牆吹得柳
絲無力棲鴉不管銷魂況猶帶夕陽顏色又慳慳
睡起爐香燒罷玉塔閒立 悵年來病裏嫌寒怯
暖負了許多佳日轉眼重陽尙恐雨晴難必流光
容易拋人去誰見柱移瑤瑟便尋思二十五條絃
上已過三七

三字令

秋色裏畫屏空晚來風楊柳瘦海棠紅月移簾簾
鎖月兩朦朧 人未散曲先終聽歸鴻銀甲冷玉
絃鬆坐無聊眠也罷莫惺忪

花簾詞

八

乳燕飛

愁

不信愁來早自生成如形共影依依相繞一點靈
根隨處有閱盡古今誰埽問散作幾般懷抱豪士
悲歌兒女淚更文園善病河陽老感斯意卽同調
助愁尙有閒中料滿天涯曉風殘月夕陽芳草
我亦人閒淪落者此味儘教嘗到况早晚又添多
少眼底眉頭擔不住向紗窗握管還吟嘯打一幅
寫愁橐

虞美人

黃昏月黑秋聲隔隔箇窗兒小聽風聽雨未分明

只是瀟瀟颯颯滿空庭 寒釭剔燼吟懷倦長夜
應過半池塘春草總模糊轉覺今宵有夢不如無

菩薩蠻

夕陽庭角歸鴉噪銀屏翠幙生寒峭暝色上花枝
曲終人去時 黃昏深院鎖只是薰香坐一夜雨
和風小窗燈不紅

江城梅花引

昨宵疎雨滴空齋怕春來竟春來真箇春來百事
費安排整了薄妝眉未端鎮無語悄鈎簾步碧苔
碧苔碧苔上閒階停繡鞋倚玉臺數也數也數
不盡花落花開只問柳梢青眼爲誰擡紫燕黃鸝

花簾詞

九

都不語還待要背東風各自猜

菩薩蠻

梨雲漠漠圍春院藥爐茗椀溫存慣風雨又黃昏
有人深閉門 落花流水去忽憶年時句燈燼不
禁挑玉釵何忍敲

連理枝

不怕花枝惱不怕花枝笑只怪春風年年此日又
吹愁到正下帷趺坐沒多時早蜂喧蝶鬧 天也
何曾老月也何曾好眼底眉頭無情有恨問誰知
道算生來並未負清才豈聰明誤了

十六字令

燈

青花落花開半壁
鐙江湖夢和雨不分

念奴嬌

題韻香空山聽雨圖

珠眉月面記前身
是否散花天女
寂莫琳宮清梵
歇人在最深深處
一縷涼烟四圍冷翠
幾陣瀟瀟
雨翦鐙人倦鶴房仙夢如煮
恰好寫到黃庭畫
成金粟總合天真趣
疎竹芳蘭傳色相不似謝家
風絮香火因緣
語言文字唱絕雲山侶
拈來一笑
玉梅春又何許

菩薩蠻

花簾詞

十

小屏古畫層層列
小山窠石重重疊
一翦牡丹芽
幾叢蝴蝶花
袖羅香不已
人在東風裏
妨了繡工夫
綠窗調女奴

摸魚兒

不多時韶光漸老
輕陰依舊如墨
條條楊柳星星
絮已有二分春色
晴未必又小雨廉纖
作去弄紗窗濕
燕來定識記青粉牆邊
紅泥亭畔一桁畫簾
隔江南路知否
杏花消息明朝已是寒食
平頭鞋千雙鸞穩還怕踏青無力
愁不得但當面逢人
背面秋千立尋尋覓覓却埋怨
東風等閒多事吹皺半池碧

河傳

春睡剛起自兜鞋立近東風費猜繡簾欲鉤人不
來徘徊海棠開未開料得曉寒如此重烟雨東
一定畱香夢甚繁華故遲些輸他碧桃容易花

洞仙歌

奉題梁溪顧羽素夫人綠梅影樓填詞圖
陰陰薄冥悄黃昏時候幾樹梅開暗香逗又疎簾
半卷和月和烟分不出花影風篩翠袖小窗燈
火裏擁髻微吟想見伊人正呵手清極不知寒坐
到宵深有青入兩眉痕瘦看一角樓臺似羅浮算
除却詞仙更誰消受

花簾詞

二

蘭陵王

怕春去把酒和春對語天涯路花落水流究竟韶
華靠誰住垂楊萬萬縷何處深藏杜宇春歸也無
力挽留一任東君自爲主愁懷黯如煮已數遍
殘紅搓盡飛絮幾回還待開簾覩正滿地芳草半
痕斜照飛來蝴蝶尙栩栩諒知我吟緒頗著斷
腸句歎過客光陰眞箇無據闌干拍損空延佇只
數點香暈兩行烟樹黃昏剛到又禁着一陣雨

惜分釵

聞蛩

閒庭宇秋如許還添幾箇寒蟲語一聲聲一更更

難道今宵說到天明聽聽 茶分乳香銷炷紅衾
欲整從新住且消停再呼鐙麝眼籬邊蛤粉牆陰
尋尋

十六字令

寒人立西風翠袖單斜陽暮花影上闌干

金縷曲

生本青蓮界自翻來幾重愁案替誰交代願掬銀
河三千丈一洗女兒故態收拾起斷脂零黛莫學
蘭臺悲秋語但大言打破乾坤隘拔長劍倚天外
人間不少鶯花海盡饒他旗亭畫壁雙鬟低拜
酒散歌闌仍撒手萬事總歸無奈問昔日劫灰安

花簾詞

十一

在識得無無真道理便神仙也被虛空礙塵世事
復何怪

酷相思

炙了銀燈剛一會獨自把紗屏背怎幾箇黃昏偏
不寐心上也愁難諱眉上也愁難諱 薄紙窗兒
寒似水一陣陣風敲碎已坐到纖纖殘月墜有夢
也應該睡無夢也應該睡

點絳脣

倚竹拈花生寒翠袖無人問一天風緊鴈字來成
陣 畫角城樓又早催霜信憑闌認亂山隱隱祇
與斜陽近

卜算子

時節未清明，小雨剛剛歇。獨倚銀屏避曉寒，只把羅衣熨。一陣海棠風，幾點梅花雪。打疊春愁不，下簾待燕歸來說。

風流子

闌干十二曲，重回回首爭忍酌。金卮悵昨夜雨，疎今朝風驟。落花流水飛絮，平池餞春會離歌。三兩闌添譜，懊儂詞芳草有情，綠應如此。夕陽無主，紅不多時。韶華歸何處，垂楊繫不定，裊裊烟絲。一霎人閒，天上香冷雲癡。近黃昏，院落湘簾半卷，玉堦小立，數遍胭脂腸斷。數聲啼鳥，都在空枝。

花簾詞

三

摸魚子

同人重建和靖先生祠於孤山，許五、年明府爲補梅餉鶴填詞，記事屬和原韻。

綠裙腰，年年芳草春風老。却和靖段家橋畔，西泠路寂，莫古梅香冷，空自省便薦菊泉甘。那許吳儂認舊遊，放艇記圖畫中間，玻璃深處，會弔夕陽影。先生去，抱月餐霞，無定幾時，鶴夢能醒重來風。景全非，昔一角樓臺，新證闌欲凭，覺樹底霜禽小。語畱清聽，行吟翠嶺，把謝句閒攜，巴歛試和對面。碧山應。

千秋歲

斷無人處綠遍深深樹燕子靜鶯兒語落花春色
老流水年華去聽不得打窗幾陣黃梅雨 病起
閒凝佇滿院癡雲聚簾放押香銷炷莫吹江上笛
已盡天涯絮薰風起柳絲又作愁千縷

鬢雲鬆令

題白鋤明月種梅花圖

碧無痕香滿把小鬪金鋤雪片搖空下一徑涼烟
都碎也疎影橫枝補到闌干罅 畫中詩詩中畫
畫裏詩人可是神仙亞好箇江南花月夜翠羽飛
來說甚啁啾話

憶秦娥

花簾詞

丙

鸚哥語昨宵有陣催花雨催花雨碧紗窗下曉寒
如許 侍兒幾度鉤簾覷玉梅開在深深樹深深
樹疎香小豔是春來處

唐多令

春水一江流春山面面愁鎖春光百尺高樓樓上
美人眠未起嗔小玉上簾鉤 碧蘸滿睂秋紅添
兩頰羞忒惺忪好夢難畱怪底雙鬟籠不住知溜
却鳳釵頭

金縷曲

題李海帆太守海上釣鰲圖

放眼乾坤小猛翻來銀濤萬疊海門秋早一帶滄

溟雲氣湧裝點樓臺七寶算十丈紅塵不到線樣
虹霓鈎樣月讓先生散髮垂綸鈎揮手處復長嘯
詩狂酒俠心難老拂珊瑚一竿纔下六鰲齊掉
陡覺天風吹日近望裏蓬瀛了了問仙骨更誰同
調不信騎鯨千載下有如來金粟重畱照閒把卷
識奇表

邁陂塘

題王竹嶼通守夕陽花影圖

忒惺忪一場花夢和春鷲地來去斜陽本是銷魂
物紅到曲闌芳樹畱不住覺過眼韶華空色都無
據惱人情緒只幅幅生綃亭亭倩影添寫斷腸句

花簾詞

五

天涯路惆悵綠陰如許不知香冢何處朝雲誦
偈坡仙老一種傷心誰與頻聽取有幾箇黃昏幾
陣垂簾雨離愁萬縷便錦瑟重調玉環再見已作
隔生侶

轉應詞

月夜憶芭香姊

人去人去影也畱他不住晚來風卷簾旌又見花
前月明明月明月何苦陰晴圓缺

貂裘換酒

題葛秋生茂才橫橋吟館詩畫冊

幾輩推清望正才人評花醉月冷吟閒賞一帶河

橋橫鴈齒畫出朝川新樣有幅幅柔藍低漾小拓
軒窗三兩處把筆牀茶竈都安放添設到絳紗帳
十年前打吳門槩挂烟波輕帆葉葉歸來無恙
問訊盟鷗同舊日續了蘭陵高唱算詩虎酒龍誰
讓却怪雲泥分手異又無端小別成惆悵能不作
望風想

洞仙歌

贈吳門青林校書

珊珊瑣骨似碧城仙侶一笑相逢澹忘語鎮拈花
倚竹翠袖生寒空谷裏想見箇儂幽緒 蘭釭低
照影賭酒評詩便唱江南斷腸句一樣歸眉才偏

花簾詞

六

我清狂要消受玉人心許正漠漠烟波五湖春待
買箇紅船載卿同去

高陽臺

芳草粘天落花糝地唬鴉枝上頻催把酒臨風問
春春幾時回荼蘼不管東皇去一絲絲翠菴香圍
好徘徊六曲屏開半幅簾垂 踏青已負年時約
任柳綿如雪飛滿紅闥綠意惜惜夢中蝴蝶忘歸
打窗一樣慳慳雨不多時聽到黃梅嬾舉幃銀甲
長拋玉笛休吹

蝶戀花

題魏雨人明經綠天覓句圖

如水蕉陰天欲礙不放斜陽紅到書窗外移得筆
牀茶竈在分明人占清涼界 夢草池塘春色改
寫遍蠻箋翦取秋林代聽殺黃昏風雨大一聲聲
又催詩快

連理枝

立夏

新樣蟬紗試拂面微風至簌簌殘紅濛濛落絮惱
人情思鎖妝成重插玉搔頭戴櫻桃梅子 宿釀
梨花漬蠶豆香盈指撲蝶期過餞春會了繡窗無
事好韶華一晌便催歸怨啼鶯不是

喝火令

花簾詞

七

扇引團團月衫更薄薄羅水晶簾子漾微波梳罷
一縞雲髻池上看新荷 無意畱春住驚心怕病
磨好天能幾日清和等得花飛等得柳絲拖等得
芭蕉葉大夜夜雨聲多

金縷曲

題張雲裳女士錦槎軒詩集

一夜觀星墮步珊珊碧空飛下水仙花朵名將儒
風從來少況有雛鳳親課喜嬌小才偏勝左硯匣
琉璃隨身抱拂紅箋吟盡書窗火九天外落珠唾
疑妝鎮日臨池坐好清閒書禪畫聖香名早播
始信大家聲調別福慧他年誰過覺展卷自慚形

浣儂是人間傷心者怕郊寒鳥瘦詩難可拈此闕
代酬和

十六字令

纔人報花梢月上來停琴坐秋影落空階

憶秦娥

花簾開月華如水浮天街浮天街冷螢一點飛上
涼釵輕羅小扇紅羅鞋夜深相約橫琴來橫琴
來曲終香燼澹殺吟懷

摸魚子

歌者沈嘉珍向客淮陰汪己山員外家聞
歷歡場垂垂老矣有招涼圖行看子名作

花簾詞

六

林立許玉年明府轉爲索題因誦少陵岐
王宅裏之句不能無感聊復倚聲

是誰工霓裳舊譜一聲聲斷還續飄零淮海頭將
白賴有隨身竿木花簾簌歎老矣龜年紅豆傷心
曲兩三閒屋正白紵全翻青衫對坐石鉞茗初熟
江南憶我亦挂帆六幅扁舟來翦波綠平生結
習惟耽此聽徧哀絲豪竹春去速算檀板登場會
記唐衢哭崑刀切玉覺刪盡柔聲唱成絕調高響
邊雲谷

江城梅花引

黃昏無語把金卮正愁時耐回思記得當年此夕

坐填詞依舊玉堦涼似水倚橫笛但聲聲唱柳枝
柳枝柳枝一絲絲力不支風又篩瘦也瘦也瘦
不過近日腰肢誰道秋來心事没人知自有娟娟
簾外月長照我晚妝殘夜臥遲

齊天樂

虧他一夜芭蕉雨園亭作去成秋景薄病懨懨殘
妝草草茉莉晚香幽靚疎烟送暝恰小扇羅輕流
螢風定獨倚屏山滿身明月露華冷 文窗欲啟
未啟怕晶簾卷碎花影人影掩却蛟慙燒殘麝炷
忘了紗衾教整銅壺漏永算如此秋光儘儂消領
多少紅樓酒魂涼不醒

花簾詞

九

清平樂

題桐陰聽雨圖

絕無塵俗糝地桐陰綠石鼎松風茶未熟瑟瑟涼
生滿幅 畫中人正看鴉孤山鶴已還家貪洗雨
三竿竹不知誤了梅花

醉太平

疎簾一層疎燈一星夜涼飛入流螢照琴書亂橫
寒蟬暫停寒蛩又鳴一聲聲和秋聲怕愁人不
聽

虞美人

本意題畫

生綃尺幅胭脂冷省識東風影二分嬌豔一分愁
和月和烟不是楚天秋春泥底事埋香早病了
紅花草憑誰畫出美人魂我欲拈花去弔憤王墳

邁陂塘

題李紉蘭女史生香館遺集

裊香絲文心一縷纏綿幽緒難理落花庭院春將
老多少冷吟閒倚愁不已問早向蓮臺懺得聰明
未華年有幾漸結損紅蘅歌殘秋雁界面淚如洗
傷心事除卻蘭姨瓊姊眼前誰復知已瑤清舊
侶和烟散親舍白雲無際仙去矣賸一串驪珠怕
逐天風起碧空迢遞莫追憶前塵纔完小劫珍重

花簾詞

玉京裏

疎簾淡月

黃昏人醉又幾陣西風紙窗敲碎昨日今宵一樣
薄寒如水釵欹鬢驪紗屏背不成眠夢來無謂瓶
花香細筆花豔冷釭花紅菱算何必蓮臺懺悔
悔愁根未翦休言聰慧幅幅雲箋灑滿數行清淚
羅襟長把秋蘭佩一聲聲歌斷山鬼況禁病裏年
光去也祇添憔悴

清平樂

彎彎月子照入紅闥裏病骨珊瑚扶不起只把碧
窗深閉幾家銀燭金荷幾人檀板笙歌一樣黃

昏院落傷心不似儂多

滿江紅

江秬香學博新得晉任城太守孫夫人碑

拓本徵題爲填此解

斷碣沈埋問誰辨宜官鉅鹿搜剔到夕陽蒼蘚秋
風古木金石未磨彤管記玻璃空艷溫泉浴似曹
娥黃絹遇中郎摩挲熟一片石韓陵續三尺土
燕支覆羨生花妙筆雙鉤滿幅前代名碑遺篆隸
後來詞客揮珠玉屬書星拓本好收藏千回讀

江城梅花引

夕陽西下水東流怕經秋又經秋目送飛鴻陣陣

花簾詞

三

過南樓猛覺尖風寒翠袖理怨到挂簾櫳玉一鉤
一鉤一鉤月當頭酒半甌香半篝唱也唱也唱
不了一曲涼州笑問嫦娥靈藥幾時偷圓缺陰晴
天不管誰管得古今來萬斛愁

買陂塘

初冬湖上

放輕舟短長堤畔玉驄金勒誰跨水痕已減三篙
綠幅幅柔藍不瀉秋去也祇睡裏烟鬟山色仍如
畫段家橋下看楓葉霜乾蘆花雪冷衰柳不堪把
湖光好何必深春淺夏四時風景都雅飛飛鷗
鷺疎疎影難認荷灣菱泖歸未捨但紅了斜陽是

處鐘初打碧琉璃瓦看古寺僧還佛樓梵起樓外
暮雲亞

蘭陵王

繡窗閉窗外紅簾垂地黃昏後一點鐙疎曲几深
屏不會倚添衣喚侍婢半臂綿溫香膩淡粧就月
轉花陰炙罷銀簧試雙髻 幽意碎難理漸翠袖
慵擡鉛淚如洗斷腸詩草闌珊味早猛上心頭又
來眉際檀痕暗招玉纖記譜入鳳笙細 堦砌亂
蛩起正如慕似泣欲斷還繼秋宵漫把閒愁比悵
寒蟬瘦盡霜雁回未芙蓉零落弔艷影歲暮矣

如夢令

花簾詞

玉笛數聲何處吹盡落梅飛絮樓外有紅牆不把
夕陽圍住春去春去愁殺好花一樹

百字令

讀繡餘續草題寄歸佩珊夫人

似曾探到者驪珠顆顆光輝不滅妙手都從天際
得果是裁雲縫月半面綠慳千回夢想一瓣名香
熱驚才絕艷玉臺無此人物 聞道近日宣文綵
紗幃裏弟子紅妝列別有傷心圓缺感漸漸鬢華
如雪日暮天寒賣珠補屋此境和誰說讀君詩罷
爲君宛轉愁絕

菩薩蠻

一年難得韶華住，牆圍青粉，風翻絮飛，絮撲簾香。
桺絲多少長，闌干紅幾摺，軟靠羅衣，碧不見夕陽。
還畫屏山外山。

卜算子

愁不共春歸，界入雙蛾裏。門外飛花幾尺深，箇是埋愁地。
立近碧闌干，淚濕羅衫子。芳草何曾解斷腸，人自傷心耳。

虞美人

風漪入尺玲瓏，展午睡，何曾慣。閒分藥裹倦攤書，長日如年，強半病銷除。
綠沈瓜是清涼引，熱惱須臾盡。斜陽偏到小窗紅，怎得階前添種碧梧桐。

花簾詞

南鄉子

吹到鯉魚風，涼殺秋花一朵紅。怪得黃昏寒又力，濛濛人在疎簾細雨中。
香篆裊房櫳，倦倚薰篝鬢影鬆。多事青燈挑不盡，重重偏向釵頭綴。玉蟲高陽臺

上陳雲伯先生謹次見寄原韻卽以代柬

玉局人遙碧城路，迴仙雲一朵飛來，盪罷薔薇幾回吟。向妝臺扶風許，執金釵，鬢何時立雪閒階。
向紗帷，席近春風，箋展秋苔。琳琅金薤花前讀，歎青蓮去後，無此天才。落月梁閒，澹然想見高懷。
蘭姨瓊姊，瑤清約待明年，拜識芳徽，好徘徊綺閣。

紅窗筆陣書堆

浣溪沙

掩卻屏山十二重不知明月到簾櫳一窗燈火碧
紗紅書爲心忪開卷少琴緣腕弱上絃鬆夜寒
爭忍減香筒

青玉案

沈采石夫人爲余繪苧邨烟雨簞子兼以
寫生尺幅見惠填此報謝

畫圖別樣開生面恰快似并州翦如此江村能幾
見美人何處青山不老一片烟波遠折枝花倚
東風軟更活色生香滿何日翠樽湖上款故鄉山

花簾詞

畫

水勞君點筆寫入鷺溪絹

清平樂

汪小韞世嫂屬題紅梨白燕寫生便面

夢回清絕小院溶溶月香又不寒雲又熱釀作滿
庭紅雪參差玉翦東西幾時換卻烏衣不是花
畱豔影瓊樓誰見雙飛

浪淘沙

吳門返棹雲裳妹欲送不果寄此畱別

雙槳打橫塘何限江鄉綠波爭似別愁長最憶前
宵曾翦燭同話西窗無計共離觴踈地垂楊數
聲風笛斷人腸從此天涯明月夜各自淒涼

虞美人

病

散花小劫誰能避，只把紗屏閉。病懷底事太纏綿，
窗外藥爐風裊幾絲烟。新涼羅幙寒如水，日日
和衣睡。一般聽雨一般秋，不信今年人比去年愁。

賀新涼

寄懷雲裳妹疊前題錦槎軒稿韻

桐葉驚秋墮，望迢迢碧空無際。停雲幾朵忽憶故人，
當此日定整新涼詩課。記會在香邊視左，煨茗清談，
今昔話感。楊花作雪，蓮開火評月，且笑還唾。何時再向青綾坐，
約聯吟二三知已，蘭陵爭播。

花簾詞

姜

小敘珠宮追往事，一霎天風吹過。只襟上酒痕猶
浣，莫怪雙魚遲尺素。爲傷離臥病愁難可歌，一闋
索君和。

江城梅花引

再寄雲裳

沈沈蓮漏入秋長，怕昏黃。易昏黃，最憶當時聽雨
話。聯牀一樣宵深閒不寐，問誰共翦紅燈坐。碧窗
碧窗碧窗夜初涼，月半廊。花半牆。夢也夢也夢也夢
不到。春草池塘陣陣西風吹，露未成霜。十幅蒲帆
何日到空望。殺美人兮水一方。

摸魚兒

吳門潘榕臯先生官農部時夢華亭董太史於水光雲影間因乞太史書太史爲書尺幅而去解組後追憶前夢爲寫水雲圖徵題及余爰拈是解

忒分明水西雲北臥遊歷歷能道高情已逐滄浪去畫省爐香猶裊歌復嘯趁萬頃烟波一葉扁舟棹紅塵擾擾算身在鸞坡心盟鷗渚名宦幾人到拏音裏親見前賢古貌同鄉同夢同調書裙潑墨華亭筆替寫九峰三泖歸去好說老我江鄉鱸膾秋風飽掉頭一笑看脫卻朝衫攜將粉本打幅遂初橐

花簾詞

三

南樓令

寄懷汪小韞世嫂吳中

福慧證雙修神仙第一流碧城高何處瓊樓吹氣如蘭人似玉蘭秀雅玉溫柔別夢繞蘇州雲山無盡頭望江南黯黯生愁愁煞一方秋水闊知甚日得重遊

臺城路

題陳小雲世兄湘煙小錄

渡江桃葉歌聲歇傷心竟成春恨打槳親迎橫琴側坐想煞那回清韻護花最穩有障掩青綾牆圍青粉刻翠裁紅肩隨妝閣索詩印香衾拚負曉

夢但蘭羞早潔纖手同進璧月難圓彩雲易散豔
福從來非分東風太緊悵芳草天涯柳綿吹盡聽
雨黃昏畫簾三兩陣

沁園春

新安齊梅麓先生性愛梅得林處士像一
幀忽悟爲前身小影因顏之曰梅花居士
圖屬題此解

歸去來兮仙吏蓬萊三年宦成羨種梅繞屋前身
君復看雲出岫此日淵明香作因緣月叅色相展
卷春風誤影形翻然悟記水邊籬落雪後園亭

移家合住西泠莫忘卻孤山一角青有當時竹閣

花簾詞

三

仍容高士而今仙鶴解識先生七百年餘大千境
裏總與疎花結澹盟能來否向白沙堤畔重築詩
城

蝶戀花

舊句新吟窗下比一種淒涼兩樣愁滋味往日傷
心誰得已而今怕又從頭起攬鬢剛窺明鏡裏
青入長眉那有悲秋意一笑拋書簾自啟攜琴去
向花前理

金縷曲

題蔡丈木龕小像

屋外青山笑笑先生洗桐澆竹幾曾聞了可是未

能除結習清癡倪迂同調又三徑屢緣客婦出世
無妨同入世倚南窗猶覺陶潛傲真樸性古今少
一龕休說蝸廬小達人水不競雲眠都好
澹到忘言方得意靜裏天機入妙算何必冷吟長
嘯添種碧桃花萬樹溯仙源卽在紅塵道渾不借
武陵棹

緣意

翠雲草

春泥翠溼任柳絲一把拖地無跡夢覺池塘卷起
疎簾濃藍暗染吟席曹騰蜻眼偷窺處笑沒箇踏
青人識漸綠陰紅到斜陽尙恐看朱成碧 見說

花簾詞

三

花鈿墜了幾回喚小玉塔畔難覓鬪向窗前籠袖
拈來紺唾輸他顏色東風吹透長堤路又想像纖
羅裙褶問甚時長徧空山高下冷烟同滴

水調歌頭

撲螢

手弄白團扇階下撲流螢碧天今夜如水三兩點
秋星卻繞井闌尋去又被惺忪花影遮得不分明
小步鳳鞋困籠袖倚山屏 月籬外烟砌畔猛相
迎回身欲覓無賴飛上玉釵停門掩一層簾子簾
護一重窗子偏解入疎櫺應是會儂意來作讀書

燈

千秋歲

題停鍼教子圖

繡工妨了紗幙傳經
早人影瘦妝樓悄
髮忘金斗冷輝借蘭釭
照聽不厭琅琅鳳
轉桐花小機樣
停鴛教書味丸熊飽
一寸荻三春草
碧桃和雪韻
玉樹臨風皎
試看取他年紫錦鸞
回誥

疎影

冬夜對月

空庭似雪有滿天
露氣滿地明月纔看團團
又唱彎彎無端多此圓
缺秋來已是難消
領況病過薄寒時
節望碧雲隱約瓊樓
想見素娥愁絕待把

花簾詞

完

傷心細問欲眠更強起
羅幙重揭幾處笙歌幾處
關山幾處照人離別
西風了不知霜信但亂撲打
窗紅葉甚夜深猶倚闌
干翠袖冷將花折

風流子

題江秬香學博北渚載花圖

黃河遠上曲旗亭句唱到木蘭舟
正北里胭脂玉人窈窕
東山絲竹名士風流
綠波外垂楊千萬樹
恰恰轉鶯喉茶竈書牀
短篷雙槳羅衫團扇錦字
銀鈎蓮心紅徹底鴛鴦
七十二飛過回頭不記
西湖湖水閑了盟鷗
甚前塵如夢青春十載落花
萬點點生愁惆悵鵲華
山色畫裏成秋

釣船笛

題吳香輪夫人梅雀卷子

何處覓幽香
展卷幽香盈幅
記得紅羅亭外有人
吹橫竹
飛飛寒雀啁
疎枝爭向畫檐撲
畱取月
明花底看翠禽同宿

乳燕飛

讀紅樓夢

欲補天何用儘銷魂
紅樓深處翠圍香
擁騷女癡
兒愁不醒日日苦
將情種問誰箇是眞情種
頑石有靈仙有恨
只蠶絲燭淚三生共勾卻了太虛夢
喁喁話向蒼苔空似依依玉釵頭上桐花小鳳

花簾詞

三

黃土茜紗成語識
消得美人心痛何處弔埋香
故冢花落花開人不見
哭春風有淚和花慟
花不語淚如湧

祝英臺近

夏松如茂才愛女伊蘭工吟咏著有吟紅館詩歿年十五瀕危云歸天上雷部去松如撰略徵詩一時題咏殆徧倚聲及之

解吟椒工咏絮
湘管墨花吐綺歲盈盈
明月正三五
憇他闌寫烏絲團香鏤
雪有密字珍珠無數
仙何處等閒一現優曇
天風自來去夜半雲車傳
呼阿香御定知六甲靈飛步
虛聲裏先問訊投壺

玉女

百字令

題玉燕巢雙聲合刻

春來何處甚東風種出一雙紅豆嚼菜吹花新樣
子吟得蓮心作藕不隔微波可猜明月累爾填詞
手珍珠密字墨香長在懷袖 一似玳瑁梁間飛
飛燕子軟語商量久從此情天無缺陷豔福清才
都有紙閣蘆簾蠻箋彩筆或是秦嘉耦唱隨宛轉
瑤琴靜好時奏

洞仙歌

題李丈西齋亡女問字圖

花簾詞

三

天風環珮謫瑤臺清曉見說飛瓊最嬌小向庭前
問字花下橫經春去也妨了繡工多少 三生脩
慧業畫閣疎香似水年華好才調白傅淚青衫兒
女情鍾空紫石摩挲墨妙聽潮落潮生又秋期只
半幅驚鴻載將征棹

壽樓春

新歲

驚東風吹來有紅情綠意綴上瑤釵恰喜椒盤頌
好畫堂筵開殘臘盡韶光回費一番天公安排正
綵燕翩翩新鶯啞啞笑語到妝臺 鰲山結媿遊
纜又試燈天氣縱酒襟懷幾處銀花影合玉梅香

猜城不夜春無涯
趁踏歌銅壺休催
但明月隨人
人間暗塵飛六街

南鄉子

元夜獨坐

把酒對青天
今月還同古月圓
合起古人花下問
團團桂影山河幾萬年
佳節若爲歡簫鼓
春城鬧上元
只有玉樓清似水仙
仙我欲乘風跨綵鸞
如夢令

落燈夜

不見梅梢微雪
只見柳梢殘月
今夕落燈風火樹
銀花吹滅清絕清絕
正是酒闌時節

花簾詞

洞仙歌

殘菊

深黃淺白記重陽
前後滿把幽香
一樽酒甚西風
簾卷人淡於花
能幾日花漸比人消瘦
誰開三徑望冷豔
無情蝶夢荒寒
雁來久紅了木芙蓉
靜女娟娟對老去
東籬詩叟愛寂莫
秋容抱冬心
使十月清霜一枝還有

柳梢青

舊雨人遙
綠波春皺
江南草長
鶯嘯正昔年
聯袂時也
根觸余懷
漫拈此解

楊柳風和昔年
此日曾聽笙歌
東閣官梅
西窗畫

燭南浦烟波 無端眉上心窩有別恨離愁許多
春去還來愁來不去春奈愁何

水調歌頭

題柳暗花明又一村圖

佳士愛名句粉本拓烟霞峰迴路轉何處茅屋兩
三家如在山陰道上步步引人入勝望望酒帘斜
一帶水楊柳萬樹碧桃花 繞村郭聞雞犬見桑
麻不因蠟屐誰信春色到天涯好箇綠濛濛地添
段夕陽罨畫無處不繁華仙亦在塵境何必武陵
誇

減蘭

花簾詞

題汪靜芳女士眠琴綠陰圖

橫琴選石三弄冰絃無氣力庭院悄悄姑射仙姿
太古心 涼雲仙水深護海棠嬌欲睡一曲梅花
清絕香魂正夢他

長相思

重三日有懷雲裳小韞

望江南夢江南夢見春波幅幅藍幾時重挂帆
憶清談阻清談萬樹桃花水一潭離愁三月三

水龍吟

匆匆九十韶華者番玉指將輪遍知他門外風來
幾陣花飛幾片又值新晴明朝穀雨牡丹應翦想

畫梁深處棲香正穩誰能似雙雙燕
卻怪絲楊成線不藏鶯藏鴉隨便如潮病信如山心事最難
消遣浮白盃空踏青期阻洗紅衫淺任春來春去
綺窗朱戶總無人見

洞仙歌

五色罌粟花

吳山小小春非資非玉似飽花神萬鍾粟有飯抄
雲囊鎖雲羅春盡也蝶稅蜂糧白足問誰明
月下鬪罷金鋤鸞帚輕勻畫闌曲豔絕女兒妝粉
白香紅又衣裏迴黃轉綠配崖蜜煎來十分甜笑
一盞新嘗味逾餒粥

花簾詞

邁陂塘

一年年花開花謝春來還又春去無人會得東皇
意錯怨枝頭暈宇春縱住問簌簌殘紅可有安排
處春應笑語說碧柰花開黑罡風起也合作香雨
鈿魂路楊柳下絲萬縷絲絲難縮飛絮天涯何
必多芳草門巷綠茵如許誰復主君不見月樓花
院畱春寓茫無意緒但流水聲中夕陽影裏添了
送春句

鵲橋仙

沈湘佩女士屬題紅白梅花卷子圖亦女
士所作

斷橋流水小窗橫幅一樣黃昏時候和烟和月寫
生難定寒了玉人翠袖紅羅曲罷縞衣夢醒枝
上霜禽覷透隨他羌笛再三吹吹不到十分清瘦

臺城路

題近湖山館圖

兩三閒屋臨湖岸青山對人如笑十里鶯花半牀
書畫仙吏合居蓬島幽棲最好好問訊林逋結鄰
蘇小面面軒窗水風開掩客尋到波光一碧萬
頃看屏前鏡裏時度雲烏紅壓闌干綠侵簾幌地
近馬塍春早聞吟未了聽蘭漿歌來玉驄嘶杏陶
洗詩襟亂絲叢笛鬧

花簾詞

虞美人

孟夏偕兄姊僦居裏湖趙氏莊作十日遊
莊有樓面孤山名鏡水樓

裏湖湖水清如鏡倒浸樓臺影樓前楊柳兩三株
恰與咸平處士對門居藕花多在西泠路細把
荷錢數孤山應不笑儂癡日日紅船催去采蓴絲
浣溪沙

湖心亭

楊柳如絲織萬條水風四面不通橋紅泥一角綠
周遭此地未經嘶寶馬居人疑是踏金鼇東西
南北倚蘭橈

清平樂

薄暮自南山歸西冷

湖烟湖水一櫂玻璃碎落日四山橫晚翠西子妝
殘欲睡歸來雲樹冥冥模糊難認西冷忽聽上
方鐘響舟人猶指南屏

柳梢青

登寶石山天然圖畫閣小憩遂至保俶塔

下

圖畫天然偶來絕頂小別塵寰清咽泉流陰生石
磴翠撲峰巒上方何處花關白雲與山僧往還
梵唄無聲塔鈴不語靜證詩禪

花簾詞

美

喝火令

四月十六夜泛棹北山月色正中湖面若
鎔銀戲拈小石投水波光相激月纍纍如
貫珠時薄酒微醺繁絃乍歇浩歌一闕四
山皆應不自知其身在塵世也

放眼壺天隘當頭璧月圓玻璃十頃不嫌寬金管
玉簫檀板齊奏木蘭船片石投如矢層波漾作
圓明珠散走水晶盤那得山靈借我仙掌小於拳
那得虹霓成線萬顆一齊穿

點絳脣

彩筆蠻箋悲秋人續驚春句斷難畱住逝水年華

去怕不傷心無可傷心處闌珊緒聽風聽雨多在芭蕉樹

風中柳

花影

春壓闌干是否紅圍翠擁夕陽收月明相送疎疎密密只暗香浮動蝶難棲不成仙夢繡閣人人誤把玉纖拈弄滿羅衣篩來無縫簾櫳如畫問描將幾種抵十幅生綃清供

憶江南

寄懷雲裳妹八首

江南憶最憶識君時潭水桃花紅萬點蘇臺楊柳

花簾詞

三

綠干絲相見尙嫌遲

江南憶最憶綺筵開阿母瑤池飛玉盞女兒絳帳

列金釵

座中除沈采石外皆碧城弟子

誰是謫仙才

江南憶最憶好才華春曉嫩寒香雪海小窗橫幅

折枝花詩畫本名家

雲裳有鄧尉探梅詩牡丹畫幅

江南憶最憶夜聯牀讀曲簾櫳花氣暖吹簫庭樹

月華涼殘燭翦西窗

江南憶最憶綠陰濃東閣引盃看寶劍西園聯袂

控花驄兒女亦英雄

江南憶最憶餞春筵三月渡頭花似霧一盃婪尾

酒如泉小別也畱連

江南憶最憶碧城招咏絮君應稱謝女買絲農欲
繡班昭謂小墨會記靈霄

江南憶最憶試歸帆錦字香初盈素袖酒痕紅未
滅輕衫能不憶江南

金縷曲四首

小韞世嫂自失所天後音問久闊墳此寄
懷卽題其自然好學齋詩集

一唱傷心曲古今來才原妨命慧難脩福見說玉
樓詞賦手偶向軟紅託足回首處山邱華屋目斷

湘江雲萬疊淚斑斑不到干竿竹歌楚些放聲哭

小雲世兄
歿於楚中秦嘉逝矣悲徐淑不如他尋常燕子

花簾詞

三

雙飛雙宿自是文章知已感豈爲天寒幽獨願長
茂女貞花木雷得大家椽筆在輯仙郎遺橐聯吟
軸彤管史更須續

別久渾如夢望江南平安竹報經年未捧問訊故
人無恙否莫更愁煎病擁漸獵獵西風吹動兩字
加餐傳尺素怕薄寒還向羅衣中須爲我好珍重
本來高格疎梅共認前身冰心雪貌瑤池仙種

冬日松筠清見操春草庭闈代奉待秋晚黃花香
送菊有芳兮蘭有秀况丹山十里桐先種聲激發

聽雛鳳

雙槳橫塘打記當年金釵問字絳紗帷下鶴市春

深桃李放親見一門風雅斗室裏圍香不施媿媿
清談霏玉屑儘叢殘史事從頭話聽未倦忍輕捨
離懷無奈歸帆挂最關心一聲珍重掉頭行也
投贈詩篇珍似璧十幅衍波長把有顆顆珠光照
夜入夢故人明我憶屋梁閒落月秋如畫情一往
易牽惹

最喜窺全豹快傳來瑤篇雕就香梨繡棗夫子文
章驚海內家學源流浩渺豈宋憲班昭同調只覺
天風環珮響雜仙心詩意超雲表脂粉習一齊掃
扶輪大雅開聲教費工夫玉臺新選品題都到
家國滄桑花月感一例閒憑閒弔詩筆與史才俱

花簾詞

堯

妙小韞有明詩三十
家選各繫以詩一盥罷薔薇窗下讀瓣香拈敬
爲南豐禱名媛集似君少

水調歌頭

題高飲江茂才讀未完書齋圖

恨不十年讀空贖百城開男兒意氣如是動足卽
天涯浪說籤排甲乙安得經陳庚子螢雪冷荒齋
但識斷螿處千古築書臺 或登臨或嘯咏亦佳
哉蠹魚食字常笑未必盡仙才且撰等身著述更
帶隨身圖史莫爲此身哀太白匡山下頭白可歸
來

浣溪沙

一卷離騷一卷經十年心事十年燈芭蕉葉上幾
秋聲 欲哭不成還強笑諱愁無柰學忘情誤人
猶是說聰明

念奴嬌

題魏母吳太恭人桂庭行樂圖遺照

眾香國裏護慈雲一朵靈根長結微笑拈花象佛
旨不著滿身黃雪至性關人弱齡盡孝名與曹娥
列割肌誰見羅襟記澆餘血太恭人曾
封臂療母最羨捧
檄承歡循陔善養采采蘭羞潔封鮓寄書賢母教
能勵仲先清節錦誥銜來板輿奉去此地曾經別
春暉逝矣桂庭愁對秋月

花簾詞

單

鬢雲鬆令

漏沈沈香裊裊燭影移花簾幙風來小試拍紅牙
歌水調尺半霜筠吹得霜天老 醉顏醜開口笑
絲竹中年已覺輸年少此境等閒看過了往後追
思又說而今好

賣花聲

花落又花開秋去春來昔年天氣舊池臺一樣夕
陽芳草句兩樣吟懷 燕子莫相猜庭院荒苔筆
牀茶竈欠安排拋擲流光人不覺減了清才

柳梢青

花朝夜

簾卷香銷輕寒側側良夜迢迢春到春分月圓
半花發花朝年年此夕春饒花月下金樽酒澆
邀月長空祝花生日且盡今宵

滿江紅

洪忠宣公祠和俞少卿世兄作

北去孤臣在漢代蘇卿之列傷心處桃梨誰獻薪
芻自掇一寸丹忱傳密奏千秋青史垂清節恨南
歸不奉兩宮還肝腸裂十五載燕山雪三十里
西湖月復中原反掌金甌誤缺故國已消天水碧
靈祠猶薦寒泉列半閒堂蟋蟀幾秋風無人謁

洞仙歌

花簾詞

新月

望

初三下九略無些分別一樣纖纖兩頭月怕佳人
誤拜未到更闌最好是剛近點燈時節問天緣
底事喜動嫦娥黃氣新添上眉葉何處覓瓊樓瓦
縫參差隱隱露廣寒宮闕聽不盡連宵唱彎彎恐
盼到圓期又將愁缺

蝶戀花

愁散如雲天不管分付眉山兩點休輕展一寸蕉
心重疊卷任吹多少東風軟手把羅衣窗下換
花影篩來葉葉枝枝滿小島薰香香自暖日長春
盡閒庭院

摸魚兒

題魏雨人明經滌山吟館圖冊

似擊來一峯天柱青山九鎖迴抱吟窩許傍仙巖
結茶竈卻鄰丹竈看不了正福地琅嬛萬軸圖書
飽探奇定到訪玉室金堂翠蛟白鼠擊節賞坡老
長歌處何必驚人謝朓新詩句句皆好思陵輦
路苔花碧別有滄桑憑弔歸太早算如此軒窗合
坐先生嘯泥鴻印爪想紛緝畱題苔箋盈幅讀書
當詩稟

南樓令

題秋燈課讀圖

花簾詞

望

秋色幾叢花秋燈一幙紗有庭階玉樹蘭芽課到
等身書卷熟又窗外月鉤斜咏絮本名家瞻雲
合拜他記丸熊畫荻非誇後日瀧岡阡表裏愁令
德掩才華

鵲橋仙

湖上聞子規

春深夏淺綠肥紅瘦枝上微聞杜宇曉晴我正看
山來翻勸我不如歸去一湖醺碧兩峯撲翠忽
憶年時小住每逢四月踏青遊也難怪啼鵲聲絮

疎影

綠陰二首和魏雨人明經作

疎檐不礙漸愔愔一碧圍住窗外料得高樓鬢鬢
香消凝妝好鬪眉黛韶華小劫滄桑感巧變換綠
天花海喚起他蝶夢惺忪來認清涼仙界 回首
春三二月飛英薦酒後佳會難再如水空庭選石
眠琴只有斜陽紅隘芭蕉葉嫩薔薇老隨意任東
皇分派甚惱人梅子黃時聽雨聽風無賴

惟天席地儘柳遮畫閣苔襯香砌接葉成陰似水
如雲簾波一色無際涼生滿院琴書潤暈遍了綺
窗烏几但著將淺碧羅衫隱約曲闌干裏 長記
鶯啼草長江南兩岸樹翠合篷底唱老紅情綠意
初翻試把玉箏重理嘗梅鬪茗燒新筍又遠勝花

花簾詞

望

時風味笑杏梁燕燕飛來還問好春歸未

壺中天

題某宿衛蓮塘銷夏行看子

明光長侍自生來瑣骨仙乎非俗面面風涼亭壓
水人意澹如秋菊萬柄荷香干竿竹秀半畝桐陰
綠將軍何好牀頭書卷連屋 拋卻天上樓臺名
園小住此境娛休沐緩帶輕裘羊叔子換了冰紗
雪縠白羽頻揮紅塵不到花氣薰僮僕石闌點筆
倩誰描就橫幅

壽樓春

垂湘簾黃昏映疎花瑟瑟涼月紛紛漸覺輕羅稱

體薄寒中人誰似我雙蛾顰有素娥涓涓啼痕況
墨會靈霄瑤清仙侶聚散半如雲春歸去秋平
分感華年逝水影事前塵空自偷聲減字斷腸迴
文扶病骨招詩魂懺舊愁愁還翻新但閒了琴牀
金爐博山香不溫

洞仙歌

舊時月色照舊時窗戶嬾覓窗前舊笙譜任春長
春短花落花開從未見去去流光重度無端新
夢覺記得分明夢裏華年竟如故一樣好涼秋一
樣傷心又一樣雲和不鼓何必要還丹駐紅顏但
蝴蝶飛飛總忘遲暮

花簾詞

四

祝英臺近

題魏雨人明經花灘漁唱詞

水西樓城北路漁唱起烟浦樓外青山山外夕陽
補樓前幾扇疎篷一枝橫竹又翻出贛洲新譜
月華吐此境絕少人知除非問鷗鷺高指聲清圓
沙夢難作去分明鏤雪團香搓酥滴粉便貰酒旗
亭應賭

浪淘沙

久不得吳中信月夜有懷

簾外一重窗窗外迴廊斷無人處斷人腸閒殺玉
階明月夜分外淒涼舊夢冷池塘秋草都黃笑

蓉庭院又經霜潮落潮生芳信阻水遠山長

金縷曲

題魏春松侍御曉窗讀書圖

八九間茅屋拓軒窗曉清清地數峯凝綠唱罷花
冠燈未殺料理牙籤玉軸三萬卷鄴侯都熟誰寫
草堂新畫本有鷗波小印鷺溪幅圖爲淑儷秦一
現雲夫人作
分水二分竹 蘭臺共說秋霜肅語甘棠蒼生又
仰春風和燠錦袋緋魚拋擲久三徑未荒松菊諒
心與白雲相逐傳世文章公莫祕讀書臺例向匡
山築千載下想高躅

柳梢青

花簾詞

望

題無人院落圖

不索燒茶一重簾卷幾摺闌遮楊柳樓臺桃花世
界燕子人家 東風幅幅窗紗望翠袖非耶是耶
鸚鵡前頭秋千背面沒處尋他

洞僊歌

題趙秋舫香銷酒醒詞集

花窗細讀十年前名句一瓣香曾爲君炷甚空空
妙手繡出鴛鴦誰信道肯把金鍼度與 才華清
似水脫口輕圓北宋南唐最佳處酒醒又今宵拍
遍紅牙儘高唱大江東去笑一顆驪珠幾人採但
白石梅溪紛紛儂汝

暗香

關天竹花和俞少卿世兄作

是花是竹有葉分个字香含皴玉種傍粉垣小樣
娟娟數叢綠空谷佳人自倚籠翠袖肌膚生粟料
不爲去去春光芳意碎如塵梅熟雨又足似未
坼柳綿那怕風逐曉禽亂撲紅豆相思幾時啄長
記瑤瓶供養傷歲暮寒盟難續試看取開遍也一
枝怨獨

疏影

秋海棠葉同前

東風點筆似描來倩影剛暈濃碧大葉烟疎小朵

花簾詞

吳

香遲臙脂未染顏色紅妝面面何曾見錯認作翠
鈿拋擲一兩叢移近南牆好待卷簾人立花事
前番過也鞦韆坼徧了撩鬢無力不借春陰不到
秋陰閒殺綠章詩客斷腸欲寄迴文錦柰幾縷朱
絲難織最可憐低覆涼階怕照半痕斜日

虞美人

一盃婪尾香邊酒花事無何有今年忘了送春詞
春短春長難道没人知夕陽依舊銷魂色紅對
池塘碧綠陰移上小闌干不是傷心不會卷簾看

西江月

題種紙學書圖

種碧偏多樣子研紅也費工夫何如鴉嘴刷金鋤
種出涼蕉萬樹 題葉新詩偏寫肇巢大字橫書
雲烟揮灑日無虛倦聽綠天風雨

雪獅兒

咏貓

買魚穿柳將鹽裹箸聘來無價錦帶雲圖共戲綠
紗帷下鸚哥教打但說著名兒先怕初浴過翠生
桃葉香濃冰麝 飽臥薔薇花榭漸雙晴圓到夕
陽紅亞小樣癡肥響踏樓頭鴛瓦街蟬記畫笑我
獨霜毫慵把新吟罷似補海棠詩話

夢蕉家兄嘗屬題壽貓圖

不應戲以子美海棠爲喻

花簾詞

江城梅花引

題西湖采芡圖

西湖湖水碧羅羅采蓮歌采菱歌采到蓴絲記得
泛烟波說著雞頭儂未省只認取有田田葉許多
許多許多似圓荷翠幾科香一渦采也采也采
不盡料日紅矧兩兩瓜皮艇子往來過論斗明珠
堪細剝誰信道是銷金一寸鍋

花簾詞



定价: 0.60